

目錄

朝使大夫使持節常州諸軍事守常州刺史
賜紫金魚袋

獨孤及

至之

遠遊賦

壬辰歲過舊居

夏中酬于逖畢燿問病見贈

三月三日自京到華陰水亭獨酌寄裴六薛八

海上寄蕭立

酬梁二十宋中所贈兼別留梁少府

東平蓬萊驛夜宴
揚判官醉後贈別

觀海

雨後公超谷北原眺望寄高拾遺

丙戌歲正月出洛陽書懷

季冬自嵩山赴洛道中作

代書寄裴六二穎

客舍月下對酒醉後寄畢四燿

庚子歲避地至玉山訓韓司馬所贈

下弋陽江舟中代書寄裴侍御

題思禪寺上方
早發蒼峴驛望廬山

癸卯歲赴南豐道中聞京師失守寄權士繇韓

幼深

初晴抱琴登馬退山對酒望遠醉後作

賈員外處見中書賈舍人巴陵詩集覽之懷舊

代書寄贈

寒夜溪中行舟中作
江上代書寄裴使君

與韓侍御同尋李七舍人不遇題壁留贈

李張皇甫闢權等數公並有送別作見寄因題

答

卷中

送陳蕪應辟蕪寄高適賈至

早發龍沮館舟中寄東海徐司倉鄭司戶

海上懷華中舊遊 將還越留別豫章諸公

雜詩 山中春思

傷春懷歸 九日李蘇州東樓宴

李卿東池夜宴 將赴京答李紆贈別

江寧訓鄭縣劉少府贈別

送虢州王錄事之任 送長孫將軍拜歙州之任

送何員外使湖南 送江陵全少府赴任

送虞秀才之長沙 送陽翟張主簿之任

送李賓客荆南迎親 訓常郾縣見贈

送游員外赴淮西 送馬鄭州

蕭文學山池宴集 送荆南張判官

送義烏韋明府 送相里郎中赴江西

和虞部常郎中尋楊駙馬不遇

和贈遠 和題藤架中

官渡柳歌送李員外赴揚州

同岑郎中韋員外花樹歌

奉和李尚書畫射虎圖歌

卷下

代書寄上李廣州

自東都還家
訓王八諫議見贈

訓皇甫侍御望天瀟山見示之作

垂花塢醉後戲題

登山谷寺上方答皇甫侍御卧疾闕陪車騎

後

詣開悟禪師問心法次第寄韓郎中

喜辱韓十四郎中書兼封近詩示代書題贈

同皇甫侍御齋中春望見示之作

答李滁州題庭前石竹花見寄

暮春於山谷寺上方遇恩命加官賜服訓皇甫

侍御見賀之作

和張大夫秋日有懷呈院中諸公

和大夫秋夜書情即事

傷春贈遠

送陳王府張長史還京

答皇甫十六侍御北歸留別作

得柳員外書封寄近詩書中兼報新主行營兵

馬因代書戲答

同徐侍郎五雲溪新庭重陽宴作

奉和中書常舍人晚秋集賢院即事寄贈徐薛

二侍郎

登後湖亭傷春懷京師故舊

答李滁州見寄
水西館泛舟送王員外

得李滁州書以玉潭莊見託因書春思以詩代

答

題玉潭

答李滁州憶玉潭新居見寄

奉和李大夫同呂評事太行苦熱行兼寄院中

諸公

雨晴後陪王員外泛後湖得溪字

陪王員外北樓宴待月

毘陵集卷上

朝散大夫使持節常州諸軍事守常州刺史

賜紫金魚袋獨孤及

賦

○夢遠遊賦

老氏稱吾所以有大患者為吾有身大哉聖人之知
微乎天生者一氣之暫聚耳有天地之和自然之力
以運其行止節其天壽非智力之所能扶明矣而舉
世矻矻莫不保持形骸謂為已有執迷妄往而不返
小者攘禮樂竊忠信以賈譽大者盜天地之權至於

忘身道德之衰，皆此物也。余生於浮而長於妄，汨沒當世與群動，俱智不能逃形於名聲之韁，鑠脫履於冠冕之籠檻。及其世界顛倒，萬物反覆，始返照收視，以觀身世，然後知一生之患，假合豈直，磊狗土苴，熱燄聚沫而已。則我之身也，與百憂偕長，况重險之中乎。思欲冲三清，出五濁，乘凌虛極，與造物者為伍，莫有由矣。嘗中夜夢飛昇大空，若有以名跡見誦者，覺而自失，乃為賦以狀遠遊。且旌悟道之晚也。其詞曰：仰太素兮觀元精，之烟熅孰官司乎物物兮。得流形而為人太皞遺我八卦藏天地於文字黼而黻之為。

聖為智，褒衣之徒相與擊建鼓而揭日月兮。奔孝慈而走仁義，其弊也古是而今非。身賤而名貴，駉驪馱還兮。道路屯雲而奔波，絢煥轆轤兮。玉帛鍾鼓之駢羅，霍燹兮。心懸天地而火馳，蒼黃兮。得未終也而失已，繼之百骸與日月並走，五藏與哀樂交戰。羲和未及弭轡，榮枯紛而萬變，何生涯之侘傺兮。蹇吾降此中州，馮世道以上下若涉水而無津兮。與吹萬同其波流，况世緒塊軋兮。如焚絲之相掣，見辰極之低昂兮。知杞人之殷憂，顧兔呀以蝕月兮。天地閉而雲愁，鳳凰焚其故巢兮。遠舊國以失儔，埃壙燼以上薄兮。

虞羅紛其四周吾始未知夫六合湫隘之若此孰與
吾兮遠遊豈無太清之路兮夫何漫漫而迢遙望帝
鄉之低回兮微白雲與之偕逝澄予神遙夜與顯氣
期乎無垠真境沕穆以傍感精誠薰然而來親歛乘
夢以奮飛博至靈以上賓望見碧落天地如掌洞開
八門別有萬象亭亭物外乘化直上身世雙遣獨與
道往其往也泛兮若游魚振鱗而泳清川罔兮若胡
雁得順風而於秋天忽不知誰之身天何為者窅入
空界七耀在下問予津於混茫兮蹇倘佯以延佇若
有人兮縹緲指人間以唁予曰鳳兮鳳兮何德之睽

天固桎若以禮義桎若以機事蓋支離其德而超乎
物累使逸翮可得而籠樊兮孰云夫吾羽之自異天
運地載剛柔生焉千變萬化如環無端彼興廢與往
復同大壑之波瀾將令歸根明徵其源則吾與若皆
幻也又奚睢盱於其間幻未始有封物未始有壘成
則虧進則傷無汨而和無易而方山立其中央善汝
行密汝藏道將自光吾在大羅之上玄都之所乾坤
為家日月為宇嘘吸元氣大虛之下音尚一乃心勿
謂道阻遊乎無窮吾願見汝奉真告以自省兮五情
怒其增熱哀攀龍之無階兮思過天之曷月來知去

下方幾萬億兮退特返遵吾歸轍修玉虛以下降濟
銀漢以中歇馮東井以俯視識故國之城闕千門萬
戶遙如蟻穴百川綺分五嶽羅列覓舊山與喬木纒
倏希而明滅見伊川大道鞫為戎狄歷陽故人半作
魚鼈曩之奔命於市朝者如紛紛飛馳譁譁嗤嗤蹙
躡蹠蹠向翹陸離若畿蟲之聚壞絮蜘蛛之乘遊絲
吾乃今日識群動之變態兮覓然倚長空而笑之亦
既自得周覽未畢惕焉形開萬象如失群有儼以皆
作百慮續其來歸乃夙昔之人寔始故時之喧卑向
之俯仰欣感無非妄者然後知吾之生也與妄生邪

氣乘之萬緣合并為憂為患為虧為盈彼君子方碌
碌然自以為覺猶飾妄以賈名安知聖人不以世界
為重徃生死為大夢視變化與品類亦猶神交飛動
與遺物以顧身兮悟生浮而質陋以一氣之倏忽與
萬物而紛糅自視戕然寄形宇宙尚何能濡首於榮
辱之境甘心於哀樂之囿鷦鷯于飛載翮載翻君子
至止栖息化元獨立道樞貽神胚輝萬物轉薄吾真
長存止水不波浮雲無根與時盈虛委質乾坤倚伏
相軋吉凶同源物各自爾予欲無言優哉游哉聊以
窮年

詩上

壬辰歲過舊居

少年事遠遊出入燕與秦
離居歲周天猶作勞歌人
負劍度潁水歸馬自知津
緣源到舊廬攬涕尋荒蕪
隣里喜相勞壺觴展慇懃
酒闌擊筑語及此離會因
丈夫隨世波豈料百年身
今日負鄙願多慙故山春
夏中訓于逖畢燿問病見贈
救物智所昧學仙願未從
行藏兩乖角蹭蹬風波中
薄官耻降志卧疴非養蒙
閑關涉兩旬羈思浩無窮
鸞鷲何處來雙舞下碧空
離別隔雲雨惠然此相逢

把手賀疾間舉杯欣酒濃
新詩見久要清論激深衷
高館舒夜簟開門延微風
火雲赫嵯峨日暮千萬峰
遙指故山笑相看撫號鍾
聲和由心親事感和氣洞
出處未易料且歌緩愁容
願君崇明德歲暮如青松

三月三日自京到華陰水亭獨酌寄裴六薛八

祇役匪遑息經時客三秦
還家問節候知到上巳辰
山縣何所有高城閑青春
和風不吾欺桃杏滿四隣
舊友適遠別誰當接歡欣
呼兒命長瓢獨酌湘吳醇
一酌一朗詠既酣意亦申
言筌暫兩忘霞月祇相新
裴子塵表物薛侯席上珍
寄書二傲吏何日同車茵

詎肯使空名終然羈此身他年解桎梏長作海上人

海上寄蕭立

朔風剪塞草寒露日夜結行行到羸孺歸思生暮節
驛樓見萬里延首望遼碣遠海入大荒平蕪際窮髮
舊國在夢想故人胡且越契濶阻風期荏苒成雨別
海西望京口兩地各天末索居動經秋再笑知曷月
日南望中盡唯見飛鳥滅音塵未易得何由慰飢渴

訓梁二十宋中所贈蕪留別梁少府

少讀黃帝書肯不笑機事意猶負深衷未免名跡累
厭貧學干祿欲徇賓王利甘爲風波人豈復江海意

擔登平臺下是日飲羈思逢君道寸心慙喜一交臂
緒言未及竟離念已復至寧侯望南丘雲雨成兩地
途殊跡方間河廣流且駛暮帆望不及覽贈心欲醉
愛君如金錫昆弟皆茂意奕赫連絲衣榮養能錫類
君子道未長深藏青雲器巨鱗有縱時今日不足議
唯當加食飯好我袖中字別離動經年莫道分首易
東平蓬萊驛夜宴平盧楊判官醉後贈別姚太

守置酒留宴

驛樓漲海壖秋月寒城邊相見自不足况逢主人賢
夜清酒濃人如玉一斗何啻直十千木蘭爲樽金爲

杯江南急管盧女絃齊童如花解郢曲起舞激楚歌
採蓮固知別多相逢少樂極哀至心嬋娟少留莫辭
醉前路方悠然明日分飛儻相億祇應遙望西南天

觀海

北登渤澥島迴首秦東門誰尸造物功鑿此天池源
瀆洞吞百谷周流無四垠廓然混茫際望見天地根
白日自中吐扶桑如何捫超遙蓬萊峰想像金臺存
秦帝昔經此登臨冀飛翻揚旌百神會望日群山奔
徐福竟何成羨門徒空言唯見石橋足千年潮水痕
雨後公超谷北原眺望寄高拾遺

崖口雨足收清光洗高天虹蜺斂殘靄山水含碧鮮
遠空霞破露月輪薄雲片片成魚鱗五陵如薺澗如
帶目極千里關山春朝來爽氣未易說盡取花峰贈
遠人

丙戌歲正月出洛陽書懷

往歲衣褐見受服金馬門擬將忠與貞來酬主人恩
天地暫雷雨洪波生平原窮鱗遂蹭蹬夙昔事罕存
幸逢帝出震授鉞清東藩白日忽雨中萬方咸駿奔
王風從西來春光滿軋坤蟄虫競飛動余亦辭籠樊
遭遇思自強寵辱安足言唯將四方志迴首謝故園

季冬自嵩山赴洛道中作

皇運偶中變長蛇食中土天蓋西北傾衆星殞如雨
胡塵動地起千里聞戰鼓死人成爲阜流血塗草莽
策馬何紛紛捐軀抗豺虎甘心赴國難誰謂荼葉苦
天子初受命省方造區宇斬鯨安溟波截鼉作天柱
三微復正統五土歸文祖不圖漢官儀今日忽再覩
升高望京邑佳氣連海浦寶鼎歆景雲明堂舞干羽
虎臣激昂禦侮腐儒著縫掖何處議鄒魯
西上輟轅山丘陵橫今古和風蒸萬物臘月春靄吐
得爲太平人窮達不足數他日遇封禪著書繼三五

代書寄裴六冀劉二楨

昔余馬首東君在海北音入灑屏簿領書相與議

巖穴載來詣作境每山有車轍長嘯林木動高歌唾

壺缺此辭月未周虜馬嘶終闕猛虎踞大道九州當

中裂聞君棄孤城猶自握漢節耻栖惡木影忍與故

山別脫馬挂嶺雲罔然若鳥逝入聲唯留潺湲水分付

練溪月爾來大谷梨花再成雪關梁險天險歡樂

竟兩絕大盜近削平三川今底寧勾芒布春令屏翳

收雷霆伊洛日夜漲鳴臯蘭杜青騫騫兩黃鵠何處

遊青冥疇昔切玉刃應如新發矧及時當樹勳高懸

景鍾銘莫抱白雲意徑往丹丘庭功成儻長挹然後
謀滄溟

客舍月下對酒醉後寄畢四燿

鄉路風雪深生事憂患迫天長波瀾廣高舉無六翮
獨立寒夜移幽境思彌積霜月照膽淨銀河入簷白
沽酒聊自勞開罇坐簷隙主人奏絲桐能使高興劇
清機斲無累獻酢更駱驛慷慨爲天歌悒悒廣陵陌
既醉萬事遣耳熱心亦適視身元如泥睜目傲今昔
故人問城闕音信兩脉脉別時前盟在寸景莫自擲
先是畢贈及詩云洪鑪無火停日月心與白日闔十
速若飛忽然街人身飲酒不須疑

無一滿百萬形新火內甘作天地客與物無親踈斗
酒勝竹帛何必用自苦將貽古賢責

庚子歲避地至玉山訓韓司馬所贈

滄海疾風起洪波駭恬鱗已無濟川分甘作乘桴人
揮手謝秣陵舉帆指甌閩安知風塵表偶與瓊瑤親
共悲行路難况逢江南春故園如在夢返復知何辰
曠野豺虎滿深山蘭蕙新在君灞陵什迴首徒酸辛

下弋陽江舟中代書寄裴侍御

故鄉隔西日去水連長天前路知幾許但指天南邊
愴恨極浦外隱映清山連東風滿帆來五兩如弓絃

遙羨繡衣客，同然馬首先。得食武昌魚，不顧潯陽田。
屈指數別日，忽乎成兩年。百花已滿眼，春草漸碧鮮。
豈是離居侍，柰何于役牽。洞庭有深涉，曷日期歸旋。
且作異鄉料，詎知携手緣。離憂未易銷，莫道罇酒賢。

題思禪寺上方

溪口聞法鼓，停梳登翠屏。攀雲到金界，合掌開禪扃。
鬱律衆山抱，空濛花雨零。老僧指香樓，云是不死庭。
眇眇于越路，茫茫春草青。遠山噴百谷，繚繞馳東溟。
目極道何在，境照心亦冥。驕然諸根空，破結如破瓶。
下視三界狹，但聞五濁腥。山中有良藥，吾欲墮天形。

早發若峴驛望廬山

雨罷山翠鮮，泠泠東風好。斷崖雲山處，是向峰頂道。
誰謂峰頂遠，跋予可瞻討。忘緣祛天機，脫屣恨不早。
祇恐歲云暮，遂與空名老。心往跡未并，慙媿山上草。

癸卯歲赴南豐道中聞京師失守寄權士繇韓

幼深

種田不遇歲，策名不遭時。胡塵晦落日，西望泣路歧。
猛虎嘯北風，麝麇皆載馳。深泥駕疲牛，蹉跎余何之。
詰屈白道轉，繚繞清溪隨。荒谷嘯山鬼，深林啼子規。
長歎指故山，三奏歸來詞。不逢眼中人，調苦車倭遲。

士繇松筠操，幼深瓊樹姿。別來平安否，何階一申眉。
白雲失帝鄉，遠水限天涯。昂藏雙威鳳，曷月還兩枝。
努力愛華髮，盛年振羽儀。但令迤難康，不負滄洲期。
莫作新亭泣，徒使夷吾嗤。

初晴抱琴登馬退山對酒望遠醉後作

年長心易感，况為憂患纏。壯圖迫世故，行止兩茫然。
王旅方伐叛，虎臣皆被堅。魯人著儒服，甘就南山田。
挈榼上高磴，超遙望平川。滄江大如綆，隱映入遠天。
荒服何所有，山花雪中燃。寒泉得日景，吐雷鳴湔湔。
舉酒勸白雲，唱歌慰頽年。微風度竹來，韻我號鍾絃。

一彈一引滿耳熱，知心宣曲終。余亦酣起舞，山水前
人生幾何時，太半百憂煎。今日羈愁破，始知濁酒賢。
賈員外處見中書賈舍人巴陵詩集覽之懷舊

代書寄贈

海岸望青瑣，雲長天漫漫。十年不一展，知有關山難。
適逢阮如平，立馬問平安。取公詠懷詩，示我江海瀾。
甞若窺武庫，森然矛戟寒。眼明遺頭風，心悅忘朝飧。
大駕今返正，熊羆扈鳴鑾。公遊鳳凰沼，獻可在筆端。
繫越有長纓，封關祇一丸。罔然翔寥廓，仰望慙羽翰。
嘉會不我與，相思歲云殫。唯當袖佳句，持比青琅玕。

寒夜溪行舟中作

日沉諸山昏，寂歷群動宿。孤舟獨不繫，風水夜相逐。
雲歸恒星白，霜下天地肅。月輪大如盤，金波入空谷。
魏闕萬里道，羈念千慮束。倦飛思故巢，敢望梧與竹。
沉吟登樓賦，中夜起三復。憂來無良方，歸候春酒熟。
江上代書寄裴使君

何地離念劇，江臯風雪時。艱難傷遠道，老大怯前期。
疇昔行藏計，祇將力命推。能令書信數，猶足緩相思。
與韓侍御同尋李七舍人不遇題壁留贈
三徑何寂寂，主人山上山。亭空簷月在，水落釣磯閑。

毘陵集卷中

朝散大夫使持節常州諸軍事守常州刺史
賜紫金魚袋獨孤及

詩中

送陳蕪應辟蕪寄高適賈至

結綠處燕石，卞和不必知。所以王佐材，未能忘茅茨。
罷官梁山外，穫稻楚水湄。適會傅巖人，虛舟濟川時。
天網忽搖頓，公才難棄遺。鳳皇翔千仞，今始一鳴岐。
上馬指國門，舉鞭謝書帷。預知大人賦，掩却歸來詞。
天子方在宥，朝廷張四維。料君能獻可，努力副疇咨。

舊友滿皇州，高冠飛翠綦。相逢絳闕下，應道軒車遲。
高侯秉戎翰，策馬觀西夷。方從幕中事，參謀王者師。
賈生去洛陽，焜耀琳琅姿。芳名動北步，逸韻凌南皮。
蕭蕭舉鴻毛，冰然順風吹。波流有同異，由是限別離。
漢塞隔隴底，秦川連鎬池。白雲日夜滿，道里安可思。
夢想浩盈積，物華愁變衰。因君附錯刀，送遠益悽其。
四海各橫絕，九霄應易期。不知故巢鷺，決起棲何枝。
早發龍沮館，舟中寄東海。徐司舍鄭司戶

山雲停艫目送北歸翼，惜無瑤華持寄君。

海上懷華中舊遊，寄鄭縣劉少府，造渭南王少

府岑

涼風臺上三峰月

王任鄭縣日於城角築小臺號涼風臺每與數公置酒登臨望二華

雲不夜城邊萬里沙，離別莫言關塞遠。夢魂長在子真家。

將還越留別豫章諸公

客鳥倦飛思舊林，徘徊猶戀衆花陰。他時相憶雙航
幕，莫問吳江深不深。

雜詩

日花結成子春物捨我去流年惜不得獨坐空閨暮
心自有所待甘爲物華悞未必千黃金買得一人顧

山中春思

懶祭川水大人家春日長獨謔晝不暮搔首慙年芳
靡草知節換含葩向新陽不嫌三徑深爲我生池塘
亭午井竈閑雀聲響空倉花落沒屐齒風動群木香
歸路雲水外天涯杳茫茫獨卷萬里心深入山鳥行
芳景勿相迫春愁未遽忘

傷春懷歸

誰謂鄉可望望在天地涯但有時命同萬里共歲華

昨夜南山雨殷雷拆萌芽源桃不余欺先發秦人家
寂寂戶外掩遲遲春日斜源桃默無言秦人獨長嗟
不惜中腸苦但言會合賒思歸吾誰訴笑南枝花

九月九日李蘇州東樓宴

是菊花開日當君乘興秋風前孟嘉帽月下庾公樓
酒解留征客歌能破別愁醉歸無以贈祇奉萬年酬

李卿東池夜宴

得池字

政成機不擾心愜宴忘疲去燭延高月頃壘就小池
舞盤迴雪動絃奏躍魚隨自是山公興誰令下士知
將赴京答李紆贈別

膠漆常投分荆蠻各倦遊帝鄉今獨住溝水便分流
甘作遠行客深慙不繫舟思君帶將緩豈直日三秋

江寧訓鄭縣劉少府兄贈別作

往年脫縫掖接武仕關西結綬腰章並趨階手板齊
仙山不用買朋酒日相携抵掌誇潭壑忘情向組珪
事遷時既往年長跡逾睽何為青雲器猶嗟濁水泥
後牽方遠別道在或先迷莫見良田晚遭時亦杖藜

送虢州王錄事之任

謂子文章達當年羽翼高一經俄白首三命尚青袍
未遇須藏器安卑莫告勞盤根儻相值試用發劓刀

送長孫將軍拜歙州之任

臨難敢橫行遭時取盛名五兵常典校四十又專城
浪逐樓船破風從虎竹生島夷今可料繫頸有長纓

送何員外使湖南

夙昔皆黃綬差池復瑣闈上田無晚熟逸翮果先飛
前路舟休繫故山雲不歸王程儻未復莫遣鯉書稀

送江陵全少卿赴府任

冢司方春選劇縣得英髦固是攀雲漸何嗟趨府勞
楚山迎驛路漢水漲秋濤騫翥方茲始看君六翮高
送虞秀才擢第歸長沙

充賦名今遂安親事不違甲科文比玉歸路錦為衣
海運同鯤化風帆若鳥飛知君到三逕松菊有光輝
送陽翟張主簿之任

舊聞陽翟縣西接鳳高山作吏同山隱知君處劇閑
少年當効用遠道豈辭艱遲子揚名後方期綵服還

送李賓客荆南迎親

宗室劉中壘文場謝客兒當為天北斗曾使海西陲
毛節精誠著銅樓羽翼施還申供帳別言赴倚門期
恩渥霑行李晨昏在路岐君親兩報遂不敢議傷離

訓常郿縣見贈

愛君修政若修身鰥寡來歸乳雉馴堂上五紘銷暇
日邑中千室有陽春謂乘鳧鳥朝天子却媿猪肝累
主人辭後讀君懷作縣定知三
字猶新

送游員外赴淮西

多君有奇略投筆佐元戎已佩郎官印兼乘御史驄
使星隨駟騎歸路有秋風莫遣無書札他年懷袖空

送馬鄭州

使君朱兩轡春日整東轅芳草成臯路青山涼水源
勉修循吏跡以謝主人恩當使仁風動遙聽輿頌諠

蕭文學山池宴集

檀欒千畝綠知是辟疆園遠岫當庭戶
諸花覆水源
主人邀盡醉林鳥助狂言莫問愁多少
今皆付酒罇
送別荆南張判官

輜車駱馬往從誰夢浦蘭臺日更遲
欲識桃花寂多處
前程問取武陵兒

送義烏常明府

妙年能致身陳力復安親不憚關山遠
寧辭簿領勤
過江雲滿路到縣海為隣每歎違心賞
吳門正早春
送相里郎中赴江西

君把一尺詔南游濟滄浪受恩忘險艱
不道岐路長

戎狄方構患休牛殊未遑三秦千倉空
戰卒如餓狼
委輸資外府諏謀寄賢良有才當陳力
安得遂翱翔
豈不慎井賦賦均人亦康遙知軒車到
萬室安耕桑
火伏金氣騰昊天欲蒼茫寒蟬慘巴鄧
秋色愁沅湘
昨日携手西於今芸再黃歡娛詎幾許
復向天一方
躡躅話世故惆悵舉離觴共求數刻歡
戲謔君此堂
今日把手笑少時各他鄉身名同風波
聚散未易量
曷月還朝天及時開智囊前期儻猶濶
加飯勉自強

和虞部常郎中尋楊駙馬不遇

金屋瓊臺蕭史家暮春三月渭州花到
君仙洞不相

見謂已吹簫乘早霞

和贈遠

憶得去年春風至中庭桃李映瑣窗美人挾瑟對芳
桐玉顏亭亭與花雙今年新花如舊時去年美人不
在茲借問離居恨深淺祇應獨有庭花知

和題藤架

尊尊荼成幄璀璨花落架花前離心苦愁至無日夜
人去藤花千里強藤花無主為誰芳相思歷亂何由
盡春日迢迢如線長

官渡柳歌送李員外承恩往揚州觀省

君不見官渡河兩岸三月楊柳枝千條萬條色色色
勝綠絲花作鉛粉絮葉成翠羽帳此時送遠人悵望
春水上遠客折楊柳依依兩含情夾郎木蘭舟送郎
千里行郎把紫泥書東征覲庭闈脫却貉襜褕新着
五綵衣雙鳳并兩翅將鷁東南飛五兩得便風幾日
到揚州莫貪揚州好客行剩淹留郎到官渡頭春蘭
已應久殷勤道遠別為謝大堤柳攀條儻相憶五里
一迴首明年柳枝黃問郎還家否

同岑郎中屯田常員外花樹歌

東風動地吹花發渭城桃李千樹雪芳菲可愛不可

留武陵歸客心欲絕金華省郎惜佳辰祗恃棣萼照
青春君家自是成蹊處况有庭花作主人

和李尚書畫射虎圖歌

飢虎呀呀立當路萬夫震恐百獸怒彤弓金鏃當者
誰鳴鞭飛控流星馳居然畫中見真態若務除惡不
顧私時和年豐五兵已白額未誅壯士耻分銖遠邇
懸殼中不中不發思全功捨矢如破石可裂應絃盡
敵山為空殺氣滿堂觀者駭颯若崖谷生長風精微
入神在毫末作績造物可同功方叔秉鉞受命新丹
首起于氣益振底綏靜難巧可擬嗟嘆不足暨成文

他時代天育萬物亦以此道安斯民

孤及

毘陵集卷下

朝散大夫使持節常州諸軍事守常州刺史
賜紫金魚袋獨孤及

詩下

代書寄上李廣州

峽水望番禺迢迢青天末鴻雁飛不到音塵何由達
獨有與人歌隔雲聲誼聒皆稱府君仁百越賴全活
推誠魚鼈信持正魑魅怛疫民飽中和性足無天闕
天子咨四岳佇公濟方割幾時復旋歸入踐青瑣闥
賤子託明德繚若松上葛別離鄙悵生結念思所豁

門欄關山阻岐路天地闊唯憑萬里書持用慰飢渴
自東都還濠州奉訓王八諫議見贈

關西仕時俱雅容彪彪之髮始相逢天地變化縣城

改天寶中及尉華陰鄠縣別後經綠山之亂鄭縣殘段城移於州西獨有故人交態

在不言會合跡未并猶似歲寒心待洛陽居守寄

鄴侯君著貂冠參運籌高閣連雲省夜新文會友

涼風秋青袍白面昔携手冉冉府趨君記否雲分雨

散十五年始得一笑罇酒前未遑少留驟遠別况值

旅雁鳴秋天二華舊遊如夢想他時再又何由緣賴

君贈我郢中曲別後相思被管絃

訓皇甫侍御望天滿山見示之作

早歲慕五嶽嘗為塵機礙孰知天柱峰今與郡齋對

隱嶙抱元氣氤氳含青靄雲崖媚遠空石壁寒古塞

漢皇南遊日望秩此昭配法駕到谷口禮容振荒外

焚柴百神趨執玉萬方會天旋物順動德布澤霽霑

講武威已耀學仙功未艾黃金竟何成洪業遽淪昧

度世若一瞬昨朝已千載如今封禪壇唯見雲雨晦

長望哀往古勞生慙大塊清暉幸相娛幽獨知所賴

寒城春方正初月明可愛萬殊喜陽和余亦荷時泰

山色日夜綠下有清淺瀨媿作拳僂人沉迷簿書內

登臨歎拘限出處悲老大况聽郢中曲復識湘南態
思免物累牽敢令道機退瞞然誦佳句持比秋蘭佩

垂花塢醉後戲題賦得俱字韻并序一首

莊周臺南十許步有丘一成上有膠藤垂花而蔓草
荒之且隔大溝路不可陟道士張太和伐薪為堰封
土以壅澮余亦命難氏治蕪穢而剗宿莽遂闢為登
賦之位位廣二席席間足以函罇酒二簋三月戊子
及群英由堰而升焉諸花倒垂下拂杯案紫葩縹緹
如釵如梳眾君子瞻弄之不足故秉燭進酒以繼落
日欲稱醉而不能也因命其地曰垂花塢堰曰緣花

堰亦飾之以詩云

紫蔓青條覆酒壺落花時與竹風俱歸時自負花前
醉笑向儵魚問樂無

登山谷寺上方答皇甫侍御卧疾闕陪車騎之

後

梵宮香閣攀霞上天柱孤峰指掌看漢主馬蹤成蔓

草寺中間石上有竅穴古法王身相示空棺禪門第

老相傳云漢武帝馬跡常開棺取金身茶毘收舍利重起塔供養雲扶踴塔

青霽庫皮寄松蔭禪庭白日寒不見戴逵心莫展賴

將新贈此琅玕

詣開悟禪師問心法次第寄韓郎中

障深聞道晚根鈍出塵難濁劫相從慣迷途自謂安
得知身垢妄始喜額珠完欲識真如體君嘗法味看

喜辱韓十四郎中書兼封近詩示代書題贈

各牽于役間遊遨獨坐相思正鬱陶長跪讀書心整

緩短章投我曲何高宦情緣木知非願王事敦丁回反

人敢告勞所歎在官成遠別徒言岷水纔去聲容舸

同皇甫侍御齋中春望見示之作

望遠思歸心易傷况將衰髮偶年光時攀芳樹愁花

盡晝掩高齋厭日長甘比流波辭舊浦忍看新草遍

橫塘因君贈我江楓詠春思如今未易量

答李滁州題庭前石竹花見寄

殷鳥關反疑曙霞染巧類匣刀裁不怕南風熱能迎小

暑開遊蜂憐色好思婦感年催覽贈添離恨愁腸日

幾迴

暮春於山谷寺上方遇恩命加官賜服訓皇甫

侍御見賀之作

天書到法堂朽質被榮光自笑無功德殊恩謬激揚

還登建禮署猶忝會稽童佳句慙相及稱仁豈易當

和張大夫秋日有懷呈院中諸公

至公無假日，高閣閉秋天。肘印拘王事，籬花思長年。
績成心不有，慮澹物猶牽。竊効泉魚躍，因聞郢曲妍。
和大夫秋夜書情即事

上略當分閫，高情善閉關。忘機群動息，無戰五兵閑。
鈴閣風傳漏，書窓月滿山。方知秋興作，非惜二毛斑。
傷春贈遠

去水流年日並馳，年光客思兩相隨。咨嗟斑髮今承
弁，慙媿新荷又發池。楊柳逶迤愁遠道，鵬鴟啁哳怨
南枝。憶君何啻同瓊樹，但向春風送別離。

送陳王府張長史還京

論齒弟兄列，為邦前後差。十年方一見，此別復何嗟。
極目故關道，傷心南浦花。少時相憶處，招手望行車。

答皇甫十六侍御北歸留別作

正當楚客傷春地，豈是騷人道別時。俱徇空名嗟欲
老，况將行役料前期。勞生多故應同病，羸馬單車莫
自悲。明日相望隔雲水，解顏唯有袖中詩。

得柳員外書封寄近詩書中兼報新主行營兵

馬因代書戲答

郎官作椽心非好，儒服臨戎政已聞。說劍嘗宗漆園
吏，戒嚴應笑棘門軍。遙知抵掌論皇道，時復吟詩向

白雲百越待君言，即敘相思不敢愴離群。

同徐侍郎五雲溪新庭重陽宴作

萬峰蒼翠色，雙溪清淺流。已符東山趣，况值江南秋。
白露天地肅，黃花門館幽。山公惜美景，肯為芳罇留。
五馬照池塘，繁絃催獻酬。臨風孟嘉帽，乘興李膺舟。
騁望傲千古，當歌遺四愁。豈令永和人，獨擅山陰遊。
奉和中書常舍人晚秋集賢院即事寄贈徐薛

二侍郎

漢家金馬署，帝座紫微郎。圖籍凌群玉，歌詩冠柏梁。
陰陰萬年樹，蕭蕭五經堂。揮翰忘朝食，研精待夕陽。

晴空露盤迥，秋月瑣窓涼。遠興生斑髮，高情寄縹囊。
歲蕤雙鸞鶩，夙昔並翱翔。汲冢同刊繆，蓬山共補亡。
差池摧羽翮，流落限江湘。禁省一分袂，旻天三雨霜。
石渠遺跡滿，水國暮雲長。早晚朝宣室，歸時道路光。
登後湖亭傷春懷京師故舊

昨日看搖落，驚秋方怨咨。幾經開口笑，復及看去花聲。
時世事空名，束生涯。素髮知山山，春草滿何處。不相
思

答李滁州見寄

相逢遽歎別離牽，三見江臯蕙草鮮。白髮俱生歎未

再滄洲獨往意何堅
愁看郡內花將歇
忍過山中月
屢圓終日望君休
汝騎媿無堪報起予篇

水西館泛舟送王員外

單醪敢獻酢
曲沼荷經過
汎覽親魚鳥
蜃緣涉芰荷
劇談增惠愛
美景借清和
明日汀洲草
依依柰別何
得李滁洲書以玉潭莊見託因書春思以詩答
春物行將老
懷君意詎堪
朱顏因酒強
白髮對花慙
日日思瓊樹
書書話玉潭
知同百口累
曷日辦抽簪

題玉潭

碧玉徒強名
冰壺難比德
唯當寂照心
可並滄淪色

答李滁洲憶玉潭新居見寄

從來招隱地
未有剖符人
山水能成癖
巢夷擬獨親
猪肝無足累
馬首敢辭勤
掃洒潭中月
他時望德隣
奉和李大夫同呂評事太行苦熱行兼寄院中

諸公

駟馬上太行
修途亘遼碣
王程無留駕
日昃未遑歇
請問此何時
恢台朱明月
長蛇稽天討
上將方北伐
明生命使臣
皇華得時傑
已忘羊腸險
豈憚濕風熱
搖策汗滂滄
登岸思紆結
炎雲如烟火
溪谷將恐竭
晝景絕可畏
涼飈何由發
山長飛鳥墮
目極行車絕

趙魏方傲擾安危俟明哲歸路豈不懷飲冰有苦節
會同傳檄至疑議立談決况有阮元瑜翩翩秉書札
起予歌赤坂未好踰白雪誰念剖竹人無因執羈繼
雨晴後陪王員外泛後湖得溪字
遠山媚平楚宿雨漲清溪
泝沂任舟楫歡言無町畦
酒酣相視笑心與白鷗齊

陪王員外北樓宴待月

勸酒論心夜不疲
含情有待問誰思
佇看晴月澄澄
影來照江樓
酌酌時

昆陵集卷下

